



Republika e Kosovës
Republika Kosova - Republic of Kosovo

ZYRA E RREGULATORIT PËR ENERGJI
REGULATORNI URED ZA ENERGIJU
ENERGY REGULATORY OFFICE



Rregulla ZRRE/Nr.01/2020

RREGULLA PËR TAKSAT

Prishtinë, 06 prill 2020

Bordi i Zyrës së Rregullatorit për Energji sipas autoritetit të dhënë me Nenin 9 paragrafin 1 nënparagrafin 1.7, Nenin 24 paragrafin 7, Nenin 26 dhe Nenin 58 paragrafin 2 të Ligjit për Rregullatorin e Energjisë (Ligji Nr. 05/L-084), në seancën e mbajtur me datë 06 prill 2020 miratoi:

RREGULLËN PËR TAKSAT

KREU I DISPOZITA TË PËRGJITHSHME

Neni 1

Qëllimi

Qëllimi i kësaj Rregulle është që t'i specifikojë llojet dhe shumën e taksës të përcaktuar në Nenet 23 dhe 24 të Ligjit për Rregullatorin e Energjisë, me qëllim të mbledhjes së të hyrave për Zyrën e Rregullatorit për Energji (në tekstin e mëtejme: Rregullatori).

Neni2

Fushëveprimi

Kjo Rregull përcakton procedurën dhe afatet përfundimtare për pagim të taksave, si dhe pasojat për mospagim të taksave.

Neni 3

Përkufizimet

1. Shprehjet e përdorura në këtë rregull kanë këtë kuptim:

- 1.1 **Taksë Fillestare e Licencimit** - nënkupton pagesën e taksës fillestare, e cila është e pakthyeshme e që duhet të paguhet nga aplikuesi në rastin e dorëzimit të Aplikacionit për licencim (shih shtojcën 1 të kësaj rregulle).
- 1.2 **Taksë Vjetore e licencimit**- nënkupton pagesën e taksës vjetore, që duhet të paguhet në baza vjetore nga disa të licencuar (shih shtojcën 1 të kësaj rregulle).
- 1.3 **Taksë për shqyrtim/rishikim dhe modifikim të aplikacioneve për autorizime**- nënkupton pagesën e taksës për shqyrtim të aplikacioneve, e cila është e pakthyeshme që duhet të paguhet nga aplikuesi në rastin e dorëzimit të Aplikacionit për autorizim (shih shtojcën 2 të kësaj rregulle).
- 1.4 **Rishikim i aplikacioneve** – nënkupton modifikimin, ndryshimin, vazhdimin etj. e licencës apo autorizimeve, varësisht nga rasti (shih shtojcën 1 dhe 2 të kësaj rregulle).
- 1.5 **Zyra e Rregullatorit për Energji** - (në tekstin e mëtejme: Rregullatori) – është agjenci e pavarur në sektorin e energjisë, e themeluar me ligjin për Rregullatorin e Energjisë.

- 1.6 **Bord** – Bordi i Zyrës së Rregullatorit për Energji, siç është përcaktuar në Kapitullin II të ligjit për Rregullatorin e Energjisë.

Shprehjet e përdorur në këtë Rregull, kanë të njëjtin kuptim si në Ligjin për Energjinë, Ligjin për Rregullatorin e Energjisë, Ligjin për Energji Elektrike, Ligjin për Ngrohje Qendrore, Ligjin për Gazin Natyror dhe legjislacionin tjetër në fuqi.

Neni 4

Llojet e Taksave

1. Sipas Nenit 23 të Ligjit për Rregullatorin e Energjisë, Rregullatori ka të drejtë të mbledhë taksat si në vijim:
 - 1.1 Taksën fillestare të licencimit;
 - 1.2 Taksën për modifikimin dhe ndryshimin e licencave dhe aplikacioneve tjera për licenca;
 - 1.2. Taksën vjetore të licencimit;
 - 1.3. Taksën për lëshimin e certifikatave të origjinës;
 - 1.4. Taksën për zgjidhjen e kontesteve administrative me kusht që asnjë taksë e këtillë të mos vendoset në proceset për zgjidhjen e kontesteve që përfshijnë konsumatorët shtëpiakë, si dhe me kusht që të gjitha taksat të cilat u vendosen palëve tjera nuk do të tejkalojnë koston faktike dhe të drejtpërdrejtë të Zyrës së Rregullatorit për Energji për administrimin e procesit të zgjidhjes së kontestit mes këtyre palëve;
 - 1.5. Taksën për rishikim të aplikacioneve dhe
 - 1.6. Taksën për shqyrtim/rishikim të aplikacioneve për autorizim dhe licencim.

Neni 5

Parimet e përgjithshme në lidhje me përlllogaritjen e taksës

1. Me përjashtim të taksës vjetore të licencimit, taksat e caktuara sipas kësaj Rregulle do të përlllogariten, në përputhje me shpenzimet administrative të bëra në mënyrë të arsyeshme gjatë procedimit të akteve ndaj të cilave referohen këto taksa.
2. Taksat vjetore do të vendosen në mënyrë që të mundësohet vetë qëndrueshmëria financiare dhe veprimi efektiv e efikas në kosto i Zyrës së Rregullatorit për Energji për të arritur qëllimet adekuate me autoritetet rregullative që veprojnë në rrethana të ngjashme dhe që në asnjë rast nuk tejkalojnë shumën e 2% (dy përqindëshit) të qarkullimeve bruto të ndërmarrjeve të energjisë të cilave u kërkohet të paguajnë taksa të tilla.

Neni 6

Shuma e taksës

Shuma e saktë e taksave është, siç është përcaktuar me Shtojcën 1 dhe Shtojcën 2 të kësaj Rregulle.

KREU II KATEGORITË E TAKSAVE

Neni 7

Taksa fillestare e licencimit

1. Takse fillestare e Licencimit është taksa e përcaktuar për nxjerrjen e licencës, përfshirë shpenzimet për përgatitjen e licencës, për kryerjen e aktivitetit në sektorin e energjisë.
2. Taksa fillestare e Licencimit përfshinë shumën fikse të taksës, si në shtojcën 1 të kësaj rregulle.

Neni 8

Taksa për modifikimin licencave

1. Takse për modifikim dhe ndryshim të licencave është taksa që përfshinë shpenzimet për modifikim dhe ndryshim të licencës, për kryerjen e aktivitetit të energjisë.
2. Taksa për modifikim dhe ndryshim të licencave përfshinë shumën fikse të taksës, si në shtojcën 1 të kësaj rregulle.

Neni 9

Taksa vjetore e licencimit

1. Taksat vjetore të licencimit janë taksat e përshkruara për kryerjen e aktiviteteve në sektorin e energjisë.
2. Përlllogaritja e taksave vjetore të licencave, e paraqitur në Shtojcën 1 të kësaj rregulle, merr parasysh kushtet e sektorit të energjisë në Kosovë dhe bazohet në kriterin e aplikueshmërisë dhe thjeshtësisë, si dhe synon të shmangë çdo rrezik të mbingarkesës financiare për konsumatorët.
3. Taksa vjetore e licencimit, do tu ngarkohet prodhuesve të energjisë nga burimet fosile dhe atyre nga burime e ripërtërishme dhe importuesve të energjisë dhe do të përlllogaritet mbi bazat e futjes (injektimit) të energjisë neto në rrjet.
4. Rregullatori do të përlllogarisë taksën vjetore të licencimit mbi bazë të vlerësimeve të rrjedhave të energjisë gjatë vitit aktual. Në fillim të vitit të ardhshëm, Rregullatori do të rillogarisë taksën e duhur vjetore bazuar në rrjedhat aktuale të energjisë, siç parashihet sipas kushteve të Kodit Matës. Qartësimi/përshtatja e çdo dallimi midis shumës së parapaguar dhe asaj reale do të bëhet gjatë pagimit të taksës vjetore të licencimit për vitin e ardhshëm.

Neni 10

Taksa për lëshimin e certifikatës së origjinës

1. Taksa për lëshimin e certifikatave të origjinës, përfshinë shpenzimet për përgatitjen e këtyre certifikatave.
2. Taksa për nxjerrjen e certifikatave të origjinës përfshinë shumën fikse të taksës, si në shtojcën 1 të kësaj rregulle.

Neni 11

Taksa për zgjidhjen e kontesteve administrative

1. Taksa për Zgjidhjen e Kontesteve Administrative është taksë për shqyrtim të kontesteve nga ana e Rregullatorit, në përputhje me Rregullën për Zgjidhjen e Ankesave dhe Kontesteve në Sektorin e Energjisë.
2. Taksat për Zgjidhjen e Kontesteve Administrative përfshinë shumën fikse të taksës, si në shtojcën 1 të kësaj rregulle.
3. Konsumatorët shtëpiak përjashtohen plotësisht nga detyrimet e pagimit të taksave për zgjidhjen e kontesteve administrative.

Neni 12

Taksa për rishikim dhe transfer të aplikacioneve

1. Kjo taksë përfshinë shpenzimet për rishikim (vazhdim) dhe transfer të aplikacioneve për kryerjen e aktiviteteve të energjisë.
3. Taksa për rishikim (vazhdim) dhe transfer të aplikacioneve përfshinë shumën fikse të taksës, si në Shtojcën 1 dhe Shtojcën 2 të kësaj rregulle.

Neni 13

Taksa për shqyrtim/rishikim të aplikacioneve për autorizim dhe licencim

1. Kjo taksë përfshinë shpenzimet për shqyrtim/rishikim dhe modifikim të aplikacioneve për kryerjen e aktivitetit të energjisë.
4. Taksa për shqyrtim/rishikim dhe modifikim të aplikacioneve për autorizime dhe licencim përfshinë shumën fikse të taksës, si në Shtojcën 1 dhe Shtojcën 2 të kësaj rregulle.

KREU III

PROCEDURA ADMINISTRATIVE

Neni 12

Procedura për mbledhjen e taksave

1. Taksa për shqyrtimin e aplikacioneve për licencim (taksa fillestare) dhe autorizim do të paguhet pas dorëzimit të aplikacionit, jo më vonë se tridhjetë (30) ditë kalendarike, prej marrjes së faturës të lëshuar prej Rregullatorit.
2. Taksa për rishikim, modifikim/ndryshim apo vazhdim dhe transfer të aplikacioneve për licencim dhe rishikim, modifikim/ndryshim të aplikacioneve për autorizime, si dhe taksa për nxjerrjen e certifikatave të origjinës, do të paguhet jo më vonë se tridhjetë (30) ditë kalendarike prej marrjes së faturës të lëshuar nga Rregullatori.

3. Taksa vjetore e licencimit do të paguhet jo më vonë se tridhjetë (30) ditë kalendarike , prej marrjes së faturës të lëshuar prej Rregullatorit. Rregullatori mund të lejojë pagimin e këtyre taksave edhe përmes pagesave me këste mujore.
4. Taksa për zgjidhjen e kontesteve administrative do të paguhet në kohën e dorëzimit të ankesës/kërkesës në Rregullator.

Neni 13

Mënyrat e pagimit

1. Të gjitha taksat do të paguhet dhe depozitohen në llogarinë zyrtare (bankare) të Rregullatorit, në pajtim me Ligjin për Menaxhimin e Financave Publike dhe Përgjegjësitë.
2. Për çdo pagesë të depozituar, fatura e depozitimit do të dorëzohet në Rregullator.

Neni 14

Pasojat e mospagimit

1. Në rast se nuk arrihet të bëhet pagesa e taksës sipas kushteve të kësaj Rregulle, Rregullatori do të njoftojë me shkrim debitorin, duke i siguruar edhe një afat përfundimtar prej të paktën dhjetë (10) ditë kalendarike dhe jo më gjatë se tridhjetë (30) ditë kalendarike. Në rast të mospagimit deri në skadimin e këtij afati, Rregullatori mund të refuzojë shqyrtimin e aplikacioneve dhe ankesave/kërkesave për zgjidhje të kontesteve.
2. Në rast të mospagimit të taksës vjetore, Rregullatori do të ndër marr të gjitha masat ligjore të përcaktuara me Ligjin për Rregullatorin e Energjisë. Për masat e ndërmarra nga Rregullatori, i licencuari do të njoftohet me shkrim.

Neni 15

Ankesat në Rregullator

1. Debitori i taksës, pas marrjes së njoftimit mbi taksën përkatëse, ka të drejtë të ankohet te Rregullatori, brenda afatit prej pesëmbëdhjetë (15) ditësh kalendarike.
2. Rregullatori është i detyruar të regjistrojë këtë ankesë dhe të vendosë në lidhje me të, brenda një afatit prej pesëmbëdhjetë (15) ditësh kalendarike.
3. Dorëzimi i një ankesë, nuk pezullon detyrimin për të paguar taksën, përveç nëse lejohet ndryshe nga Rregullatori.

KREU IV DISPOZITAT KALIMTARE DHE PËRFUNDIMTARE

Neni 16

Interpretimi

Në rast të paqartësive për dispozitat e kësaj Rregulle, Bordi do të nxjerrë informacione shpjeguese.

Neni 17

Ndryshimi

1. Rregullatori mban të drejtën që të ndryshoj ose modifikoj çdo dispozitë të kësaj Rregulle.
2. Procedurat për ndryshim ose modifikim të kësaj Rregulle, do të jenë të njëjta si për miratimin e saj.

Neni 18

Shfuqizimi


Me hyrjen në fuqi të kësaj Rregulle shfuqizohet Rregulla për Taksat me numër ZRRE/Nr. 01/2017, e datës 01 prill 2017 e nxjerr sipas Ligjit për Rregullatorin e Energjisë (Ligji Nr. 05/L-084) dhe çdo dokument tjetër para kësaj date e që bjen në kundërshtim me dispozitat e sipërpërmendura.

Neni 19

Hyrja në Fuqi

Rregulla hyn në fuqi me datë 06 prill 2020 dhe do të publikohet në faqen zyrtare elektronike të Rregullatorit.

Bordi i ZRRE-së:


Arsim Janova, u.d. kryesues


Besim Sejfiqaj, anëtar


Selman Hoti, anëtar


Izet Bushiti, anëtar

SHTOJCA 1: TABELË PËR KATEGORITË E TAKSAVE PËR LICENCIM

KATEGORITË E TAKSAVE PËR LICENCIM	Taksat në EURO
A. TAKSË FILLESTARE E LICENCIMIT PËR:	
A1. PRODHIM TË ENERGJISË (Burime fosile, burime të ripërtërishme, bashkëprodhim i energjisë elektrike dhe energjisë termike)	1,000. ⁰⁰ €
A2. OPERATOR I SISTEMIT TË TRANSMISIONIT	1,000. ⁰⁰ €
A3. OPERATOR I TREGUT	1,000. ⁰⁰ €
A4. OPERATOR I SISTEMIT TË SHPËRNDARJES	1,000. ⁰⁰ €
A5. FURNIZIM ME SHUMICË (TREGTIM)	1,000. ⁰⁰ €
A6. FURNIZIM ME ENERGJI ME PAKICË	2,000. ⁰⁰ €
A7. RISHIKIM-MODIFIKIM/NDRYSHIM APO VAZHDIM, DHE TRANSFER NË LIDHJE ME A.1-A6	500. ⁰⁰ €
B. TAKSË VJETORE E LICENCIMIT PËR:	
B1. PRODHIMI I ENERGJISË & IMPORTI	€ 0.20/MWh
B2. PRODHIM I ENERGJISË NGA BURIMET E RIPËRTËRISHME TË ENERGJISË DHE BASHKËPRODHIMI	€ 0.10/MWh
C. TAKSË PËR LËSHIMIN E CERTIFIKATATËS SË ORIGINËS	€ 0.00/MWh
D. TAKSË PËR ZGJIDHJEN E KONTESTEVE	€ 0.00/MWh

SHTOJCA 2: TABELË PËR KATEGORITË E TAKSAVE PËR AUTORIZIME

KATEGORITË E TAKSAVE PËR AUTORIZIM	Taksat në EURO
A. TAKSË PËR SHQYRTIM TË APLIKACIONEVE PËR AUTORIZIM:	
A1. AUTORIZIM PËR NDËRTIM TË KAPACITETIT TË RI	1,000. ⁰⁰ €
A2. RISHIKIM/NDRYSHIM DHE MODIFIKIM I AUTORIZIMIT	500. ⁰⁰ €